

《穢跡金剛說神通大滿陀羅尼法術靈要門》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1228

No. 1228

穢跡金剛說神通大滿陀羅尼法術靈要門一卷

北天竺國三藏沙門阿質達霰唐言無能勝將譯

如是我聞。一時佛在拘尸那國力士生處跋提河邊娑羅雙樹間。爾時如來臨入涅槃。是時有無量百千萬眾天龍八部人非人等。啼泣向佛四面哽咽悲惱而住。爾時復有諸天大眾釋提桓因等。皆來供養。唯有蠡髻梵王。將諸天女。依於四面圍繞而坐。前後天女千萬億眾。共相娛樂。聞如來入般涅槃而不來覲省。時諸大眾為言。今日如來臨般涅槃。是彼梵王何不來耶。其王必有我慢之心。而不來至此。我等徒眾驅使小呪仙。往彼令取。作是語已策百千眾呪仙。到於彼處。乃見種種不淨而為城塹。其仙見已。各犯呪而死。時諸大眾怪未曾有。復策無量金剛。亦令持呪而去。乃至七日無人取得。大眾見是事倍復悲哀。爾時大眾同聲而說偈言

苦哉大聖尊 入真何太速
諸天猶決定 天人追喚得
痛哉天中天 入真如火滅

時諸大眾說此偈已。倍復哽咽悲啼嗥哭。是時如來愍諸大眾。即以大遍知神力。隨左心化出不壞金剛。即於眾中從座而起。白大眾言。我有大神呪能取彼梵王。作是語已即於大眾之中顯大神通。變此三千大千世界六返震動。天宮龍宮諸鬼神宮皆悉崩摧。即自騰身至梵王所。以指指之。其彼醜穢物變為大地

爾時金剛至彼報言。汝大愚癡我如來欲入涅槃。汝何不去。即以金剛不壞之力。微以指之。梵王發心至如來所

爾時大眾讚言。大力士汝能有是神力。取彼梵王來至於此。時金剛即報言。若有世間眾生。被諸天惡魔一切外道所惱亂者但誦我呪十萬遍。我自現身令一切有情隨意滿足。永離貧窮常令安樂。其呪如是。先發此大願。南無我本師釋迦牟尼佛。於如來滅後受持此呪。誓度群生。令佛法不滅久住於世。說是願已。即說大圓滿陀羅尼神呪穢跡真言曰

唵(一音)佛(二音)囉(三音)唎(四音)囉(五音)唎(六音)囉(七音)唎(八音)囉(九音)囉(十音)囉(十一音)囉(十二音)囉(十三音)囉(十四音)囉(十五音)囉(十六音)囉(十七音)囉(十八音)囉(十九音)囉(二十音)囉(二十一音)囉(二十二音)囉(二十三音)囉(二十四音)囉(二十五音)囉(二十六音)囉(二十七音)囉(二十八音)囉(二十九音)囉(三十音)囉(三十一音)囉(三十二音)囉(三十三音)囉(三十四音)囉(三十五音)囉(三十六音)囉(三十七音)囉(三十八音)囉(三十九音)囉(四十音)囉(四十一音)囉(四十二音)囉(四十三音)囉(四十四音)囉(四十五音)囉(四十六音)囉(四十七音)囉(四十八音)囉(四十九音)囉(五十音)囉(五十一音)囉(五十二音)囉(五十三音)囉(五十四音)囉(五十五音)囉(五十六音)囉(五十七音)囉(五十八音)囉(五十九音)囉(六十音)囉(六十一音)囉(六十二音)囉(六十三音)囉(六十四音)囉(六十五音)囉(六十六音)囉(六十七音)囉(六十八音)囉(六十九音)囉(七十音)囉(七十一音)囉(七十二音)囉(七十三音)囉(七十四音)囉(七十五音)囉(七十六音)囉(七十七音)囉(七十八音)囉(七十九音)囉(八十音)囉(八十一音)囉(八十二音)囉(八十三音)囉(八十四音)囉(八十五音)囉(八十六音)囉(八十七音)囉(八十八音)囉(八十九音)囉(九十音)囉(九十一音)囉(九十二音)囉(九十三音)囉(九十四音)囉(九十五音)囉(九十六音)囉(九十七音)囉(九十八音)囉(九十九音)囉(一百音)囉

時彼金剛說此呪已。復作是言。我於如來滅後常誦此呪。若有眾生請願受持此呪者。我常為給使者令所求如願。我今於如來前說此神呪。唯願如來於真中照知我等。世尊若有眾生。多被諸惡鬼神之所惱亂。此呪者皆不能為害。永離苦難。世尊若有善

男子善女人。欲救療萬病者。誦上呪四十萬遍。見有病者治之有驗。無問淨與不淨隨意驅使。我當隨從滿一切願。若欲令枯樹生枝葉者。取白膠香一大兩。塗樹心。楊枝呪樹一百遍。日三時至滿三日即生華果。若欲令枯泉出水者。淨灰圍之。即井華水三斗置泉水中。於寅時呪一百八遍。水如車輪涌出。若欲令枯山生草木。取鑕鐵刀一口。於四方圍山。呪三千遍七日滿則生。若欲令野獸歸伏者。取安悉香燒向有獸住處呪一千遍。其獸至夜間。並集持法人門首。歸降如人間六畜相似。隨意驅使永不相捨。若令夜叉自來歸降者。取桃枝十翦齊截。取水一石煎取五斗。澆桃柳枝出。以丁香三大兩乳頭香三大兩白膠香三大兩。後和柳水煎取五斗。即置一破盆中。取一桃枝長三尺。攪水誦呪一百遍。一切夜叉羅剎皆來現。共行法人語。請求與人先為侍者。若令諸惡鬼神毒蛇蝎猛獸等毒以滅者。取淨灰圍所居穴孔。並自出來。當微出聲呪之一百遍。其蛇等一切蟲獸。各滅毒心不敢傷人。速得解脫。若令惡狗不傷人者。取食一搏呪七遍與食。永不傷人復不出聲。若令惡人來降伏者。書前人姓名置呪人脚下。呪之百遍。心念彼人其人立至。降伏捨怨憎之心。若欲人相憎者。書彼二人名號。於自足下呪二百一十八遍。其人等便相離背不相愛敬。若有相憎人令相愛敬者。即書取彼名姓。於自足下呪一百八遍。其人便相愛重永不相捨。若有未安樂之人令安樂者。取前人名姓書足下。呪三百遍。當為彼人發大誓願。我於彼時即自送。辯才無滯隨行者意。所須之者並悉施與。若持呪人求種種珍寶摩尼如意珠等者。但至心誦呪自限多少。我即自送滿其所願。若欲治人病者。作頓病印。先以左手頭指中指。押索文。印呪之一百遍以印頓病人七下立差。若病人臨欲死者。先於禁五路印然後治之。即不死印目。如是先准印以無名指屈向掌中。豎小指呪之百遍其患速除。

若治邪病者。但於病患人頭邊。燒安悉香誦之。呪立除之。若蟲毒病者。書患人名字紙上呪之即差。治精魅病者亦如法。若治伏連病者。書患人姓名及作病鬼姓名。埋患人床下呪之。其鬼遠奉名字自出現身。便令彼鬼看三世之事。一一具說向人其病速差。若有患時氣病者。呪師見之即差。若欲令行病鬼王不入界者。於十齋日誦我此呪一千八遍。能除萬里病患。

穢跡金剛說神通大滿陀羅尼法術靈要門一卷